

<https://ugtg.org/spip.php?article2706>



Rézistan !!! Kont Piki Fosé Ka Di Mèsi

- Expressions - Déclarations -



Date de mise en lignesamedi 6 juillet 2024

Copyright © UGTG.org - Tous droits réservés



asi sispansyon a profesyonèl lasanté, sosyal é médikososyal an Gwadeloup.

Òktòb 2021 - Mé 2023 : 18 mwa san travay, san dwa, san protèksyon, ni minimòm sòsyal... Lavi an pann !

V Juyé 2021 - Jen 2024

Ü 3 lanné konba.

Ü 3 lanné solidarité.

Ü 3 lanné konfrontasyon.

Ü 3 lanné vérité kont mépri, manti, manipilasyon, réprésyon.

Ü 3 lanné Fanm é Nonm Gwadeloup vèwtikal.

Ki chimen, ki lidé, ki fòs pou, nou gwadeloupéyen, pa janmen mété jounou a tè ?

Kanmarad, Travayè a Sèktè Sosyal, Médikososyal, Swanyan Libéral, Pèp Gwadeloup, jou rivé pou nou pé é dwètèt di MÈSI .

WI MÈSI pou kouraj zòt pòté pou nou, pou nou té ay chèché an fon a kò an nou , an fon a kyè an nou, an fon a toutkalité fanm é nonm nou yé, an fon a istwa an nou, an fon a konésans an nou, an fon a valè an nou, an kijan pou nou rété doubout, an ki jan pou fasadé avè nou menm.

Wi, nou touvé ... nou touvé Bik a Rézistan. Nou touvé Bik a konsyans. Nou touvé Bik a solidarité. Nou touvé Bik a Denis Deloumeaux. Nou touvé travayè, rètrété, chomè, jenn. Nou touvé timoun lékòl, liséyen, étidyan. Nou touvé rèstoratè, trètè, patisyé, machann, awtizan, marenpèchè, bouché, avoka, dòktè, syantifik, sosyolog, psikològ, group a mas, group a priyé, group a fanm, panafrikanis,

Nou touvé mékanisyen, plonbyé, élèktrisyen, mason, transpòtè, enjényè, mèt é métrés lékòl, travayè lakomin, lotèl, bank, sèkirité, ponpyé, nétwayaj, travayè a sèktè agrikòl, komès, militan é délégé a sendika a kolèktif a owganizasyon an lit.

Kidonk, nou trapé fòs é nou pa menm konprann ki jan fòs té ni tousa sans pou nou.

Lè on moun ou pa konnèt, on moun ki pa ni ayen, on moun ki té ka pasé é té pé ba-w ziyann, mango, zaboka, foyapen, dlo, on plenmen pwadibwa, diri, on saché lanti, 10, 20, 1000, 3000 éwo, jouwé pou timoun, liv lékòl, kayé, pwennbik, kat sinéma, médikaman, lenj ,sèrvièt ijyénik, frijidè, télé é menm on vwati.

Nou touvé moun ki fè nou ri, moun ki fè nou réfléchi, ékri kréyòl, gadé zétwal é lalin, é pran sans a lavi. Moun ki fè nou dansé, ki fè nou fè jimnastik, dansé kadri, dansé léwòz, dansé konpa, chanté, fè chèz é ban avè palèt, é ba palèt, wou é vyé vwati valè a matéryo ésansyèl.

Nou aprann fè gato, fè pen, kwafé, masé

Nou défilé, fè dièz, fè bèlbèbèl

Rézistan !!! Kont Piki Fosé Ka Di Mèsi

Nou palé an télé, an radyo, douvan misyé lèjj, nou monté Mach tribinal,

Nou baré chimen, nou konprann ka sa vlé di réprésyon, ka sa vlé di délenkan, ki valè a jénès an nou, touséla yo ka di sé timoun ki pèd, yo té la. Yo pran lakrimojèn, yo fè lajòl yo pèd travay a yo, yo pèd libèté a yo.

Nou touvé fòs an péyi andéwò, Matinik, Fwans, plen koté ankò si latè. Nou jous vwè politisyen é déotwa mè Gwadeloup é nou aprann ka sa yé lwa, dèkré, séna, sanblé nasyonal, nich pawlemantèw,

Wi, Gwadeloup nou douvé di mèsi, selman, MÈSI !

Rèstan a mèsi-la andidan a mémwa an nou.

Rèstan a mèsi-la, i an zyé a fanmi an nou, mari, madanm, papa, manman, timoun ki rètrouvé nou plibèl, piplis vayan, piplis détèwminé, piplis angajé avè yo pou fasadé avè tribilasyon a lavi.

Wi Travayè, Pèp Gwadeloup, jòdila nou tout ka travay. Déotwa adan nou désidé pati épi on bon lendèmnité oben, té pisimé alé travay dèt koté, alé prévwa lavi, toujou san piki fòsé .

Nou di NON, é nou kenbé !

Piki fòsé AWA !

Piki a Macron Awa, piki a Delfraissy, a Lacombe, a Romana, a Gordien a Blanchet, piki a « OMS », a Véran, a lé « nou bon é pisa » é tout banélo a

yo ! : AWA.

É jòdla, 3 lanné apré, nou ka tann di nou té ni rézon.

Men détwa ka kontinyé di apa piki-la yo kriyé ARN mésajé a yo-la ki pèkli é tchouyé tandi gwadeloupéyen

Nou té tini rézon, davwa nou ka kwè adan sa yo ka kriyé konsyans, libèté, entélijans, « libre arbitre », lyannaj a kò é lèspré, lyannaj a kò é laliwondaj é, ka sa yé dékaré kò, dékaré lèspré, dékaré konsyans.

Nou té tini rézon davwa nou vwè an ki jan « fascisme, racisme, totalitarisme », manipilasyon, dépravasyon, négasyon a limanité an nou adan ADN a lòksidan.

Nou té vwè-y avan yo.

Lagè an « Ukraine », lagè a Gaza, lagè an kanaky, mizè an « France », Pèp Afriken ka fè yo foumalkan, é sa dèpi Macron té di an maws 2020 « nous sommes en guerre ».

Nou té vwè-y avan Macron té kalbandé sanblé nasyonal é dékatyé enstitisyon a péyi « France », pawti politik franisé é wouvè bwa a péyi « France » pou fachis, racsis a fron nasyonal.

Nou té vwè-y dèpi yo ekstèrminé amérendyen, koupé jaré a nèg Mawon, tchouyé travayé an 1910, 1925, 1930, 1952, 1967, 2009, ... dèpi yo tchouyé Charles Henri salin, Klodo é tou lézòt.

Wi sé mémwa an nou osi ki fè nou vansé

FÈ MÉMWA MACHÉ, FÈ KONSYANS VANSÉ an filiyasyon a 50 lanné a UGTG, 50 lanné a UTS-UGTG. Plis ki 50 lanné a lit a travayé Kont tout pwofitasyon, dèpi mak a 3 syèk è dimi esklavaj, 78 lanné « départementalisation » é « nos ancêtres les gaulois ».

Kidonk nou désidé mawon, kaskòd, kontinyé bwè ronm fè sòsyé toupannan nou té ka bwè virapik, grenn anba fèy, atoumo, douvan nèg, awtémizya, twatas,, é pou bon, kouté syans a gran fanmi an nou, a Henry Joseph, a Péronne, a Raoult, a Henrion Caude,

Rézistan !!! Kont Piki Fosé Ka Di Mèsi

É an menmditan, nou maché, maché é palé an tout komin, dèpi Lansbètran jis Vyéfò.

E an menmditan, nou fléché Lakou Santé é nou arété pisé si médikaman ki alantou a kaz an nou, planté é bokanté mèdsin an nou.

Ou ka tou konprann yo pa konprann ki kalité fanm é nonm nou yé é poukisa nou pa ka pléré mizè é mandé yo padon.

Sé davwa sé syantifikman, légalman, politikman, sosyalman, yo mizé pou nou té fè dèyè, sèlman, sé avè konviksyon syantifik, politik, jiridik, sosyal é limanité an nou, nou konprann é nou di nou pa ka lagé

Jòdila, Travayè, Pèp Gwadeloup si nou ka di mèsi pou tout fòs nou trapé, nou ka di mèsi anplis pou kalité fanm é kalité nonm Gwadeloup nou gannyé. Nou ka di mèsi pou kalité travayé santé é travayé sosyal é médikososyal ki éklò.

Jòdila, nou véyatif, nou owganizé sendika an nou, nou woulyanné avè kolèg an nou yo oblijé pran piki pou travay. Nou konmansé mandé Kont, ki an grèv, ki douvan tribinal, pou atosité é méchansté yo fè nou sibi.

É sé konsa nou sòti gannyé titilarizasyon a plis ki 300 kontraktyèl an CHU yo té prévwa pou ranplásé « les suspendus » é mété yo dèwò apré. Sendika a kolèktif anlit ka gannyé plis adéran, plis délégé é lontan plis pouvwa pou défann dwa a travayé é dwa a lavi « Les suspendus » viré o travay é la, toujou la.

Travayé é Pèp Gwadeloup, sé plis ki 480 travayé yo sispann an Oktòb 2021 an Gwadeloup é sé plis ki 20 milyon éwo yo volé YO KÉ PÉYÉ !!!!

Jòdila nou doubout Gaya é an balan men nou pé ké janmen oubliyé kanmarad an nou ki mò ni lé 1043 gwadeloupéen yo tchouyé an 3 mwa san swen, san oksijèn, san ivèwmèktin, san vitamin C, san vitamin D, sans zenk,, davwa yo té swadizan ni « comorbidités » davwa yo té tro gro, davwa yo té ni dyabèt, davwa yo té tro vyé é davwa suwtou yo pa kouté Romana

ki di granbonè « kouri ay pran piki ».

☺ Nou pa ka obliyé kanmarad an nou ki pèd kaz a yo, ki pèd fanmi a yo, ki pèd lanmou yo té tini an kyé a yo é ki ka kontinyé douwé léta avè enpo é labank pou tibwen lajan prété.

☺ Nou pé pa obliyé Gwadeloupéen ki fè lajòl é ki an lajòl toujou.

☺ Nou pa oubliyé kolèg, kanmarad, ki monté an filao.

☺ Nou pa ka obliyé an ki jan Cotellon, Chalus, Losbar é dèt ankò, monté konplo èvè Macron, Lecornu, Carencou pou démantibilé nou, démanbré nou, démouné nou...

MI KONSA NOU PRAN CHIMEN A LIBÈTÉ, CHIMEN A KONÉSANS, CHIMEN A KONSYANS, CHIMEN A LALIT, ANSANM ANSANM, CHIMEN A LYANNAJ AVÈ PÈP GWADLOUP, CHIMEN POU KALBANDÉ SISTÈM KOLONIAL É KAPITALIS A FWANSÉ AN GWADLOUP !

NOU LA. NOU LA. NOU PÉ KÉ LAGÉ !!!

Lapwent, 27.06.2024

KONSEY SENDIKAL UTS-UGTG